



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-27624-5/21
Sarajevo, 28.07.2021. godine

SKUPŠTINA KANTONA SARAJEVO
-OVDJE-

Predmet: Odgovor na zastupničku inicijativu zastupnice Amre Hasagić, dostavlja se

Zastupnica Amra Hasagić je na 39. Radnoj sjednici Skupštine Kantona Sarajevo održanoj dana 08.07.2021. godine uputila slijedeću zastupničku inicijativu: "Pokrećem inicijativu prema Vladi Kantona Sarajevo i Ministarstvu za boračka pitanja Kantona Sarajevo da hitno pristupi izradi Zakona o kulturi sjećanja i zaštiti sjećanja na poginule borce, branitelje i šehide u periodu agresije na Bosnu i Hercegovinu kao i drugih neophodnih podzakonskih akata.

Obrazloženje

Javnost u Kantonu Sarajevo su značajno uznemirila dešavanja na sjednici općinskog vjeća Općine Novo Sarajevo na kojoj je dr. Hasan Tanović konfuznom, a nadam se ne iz malicioznih razloga donešenom, odlukom doveo u pitanje senioritet boraca Armije Republike Bosne i Hercegovine rahmetli Šemse Baručije i pokojnog Vinka Šamarlića. Naime paušalno mjenjajući imena objekata i okolnih površina kreirao je nadmetanje i raspravu o vrijednosti šehida i poginulih boraca koji su ugradili svoje živote u temelje naše Domovine.

Smatram da u akteulnoj političkoj situaciji paušalno mijenjanje naziva, uz kreiranje ambijenta gdje se preispituje senioritet šehida i borca, dugoročno doprinosi podrivanju tekovina antifašističke borbe Armije Republike Bosne i Hercegovine te nesagledivo ugrožava očuvanje kulture sjećanja na heroje naše Domovine.

U skladu sa naprijed navedenim smatram potrebnim donošenje zakonskog propisa u vidu lex specialisa kojim bi se zaštitilo sjećanje na naše heroje, te u budućnosti onemogućilo olako licitiranje njihovim imenima kroz populističke promjene naziva ulica, objekata i površina koje isto nose."

Na pokrenutu zastupničku Inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo (u daljnjem tekstu: Ministarstvo) vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

poginulih, umrlih i nestalih dobitnika ratnog priznanja i odlikovanja, demobiliziranih branioaca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Ministarstvo realizuje projekte u skladu sa Odlukom Skupštine Kantona Sarajevo o usvajanju projekta „Opsada i odbrana Sarajeva 1992.-1995. godine („Službene novine Kantona Sarajevo“ br. 9/06, 15/07, 35/12 i 29/15). Navedeni projekat sadrži 12 potprojekata a jedan od tih je Potprojekat obilježavanja značajnih događaja, datuma i ličnosti iz perioda odbrambeno-oslobodilačkog rata 1992-1995. godine (Kalendar za obilježavanje u kojem se definišu značajni događaji, datumi i ličnosti, nivoi obilježavanja kao i nosioci obilježavanja). Odlukama Skupštine Kantona Sarajevo su utvrđeni Kalendar za obilježavanje značajnih događaja, datuma i ličnosti iz perioda 1992-1995. godine, kao i Kalendar za obilježavanje svih značajnih događaja, datuma i ličnosti iz perioda narodno-oslobodilačkog rata 1941-1945. godine na području Kantona Sarajevo. Ministarstvo putem Odbora za obilježavanje značajnih događaja, datuma i ličnosti pruža finansijsku podršku obilježavanju značajnih događaja, datuma i ličnosti. Finansijska podrška se pruža u vidu polaganja cvijeća te prema potrebi i u vidu objave obavještenja, čestitki i sjećanja, a finansijskim sredstvima podržava se održavanje većeg broja prigodnih manifestacija u organizaciji nevladinih, u pravilu boračkih udruženja i institucija. Ministarstvo je uglavnom nosilac aktivnosti pri obilježavanju Dana 1. korpusa ARBiH.

Kalendar za obilježavanje značajnih događaja, datuma i ličnosti iz perioda 1992-1995. godine je akt kojim se uređuje predmetna oblast na području Kantona Sarajevo te je tako pod tačkom 29 utvrđeno sjećanje na 08.06.1992. godine – dan pogibije Vinka Šamarlića.

Ministarstvo trenutno priprema akt – Instrukciju o jedinstvenom pristupu, standardima i pravilima prilikom obilježavanja značajnih događaja, datuma i ličnosti iz perioda 1992-1995. godine kojom se predviđa uređenje jedinstvenog pristupa, standarda i pravila obilježavanja značajnih događaja, datuma i ličnosti na području Kantona Sarajevo, mjesto način sadržaj i protokol obilježavanja značajnih događaja, nosioce obilježavanja i drugo.

Odlukom o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo (“Službene novine Grada Sarajevo”, broj 7/94 i Službene novine Kantona Sarajevo”, broj 12/06) utvrđen je postupak i način određivanja imena ulica, trgova, parkova, mostova, institucija, ustanova čiji je osnivač Skupština Kantona Sarajevo i





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

obilježavanje zgrada brojevima na području Kantona Sarajevo. Općine svojim aktom utvrđuju kriterije, postupak i način davanja i izmjene naziva ulica, trgova, parkova, mostova, institucija, ustanova, naselja i drugo. Nakon donošenja zaključka od strane općinskog vijeća, prijedlog naziva se dostavlja nadležnoj Komisiji za obilježavanje, čuvanje i njegovanje historijskih događaja i ličnosti koja podnosi Skupštini Kantona Sarajevo prijedloge u skladu sa važećim propisima.

Vežano za inicijativu da se pristupi izradi Zakona o kulturi sjećanja i zaštiti sjećanja na poginule borce, branitelje i šehide u periodu agresije na Bosnu i Hercegovinu, ističemo da istu podržavamo. Nakon razmatranja navedene inicijative konstatovano je da je neophodno prethodno poduzeti niz aktivnosti u smislu sačinjavanja samog nacrtu teksta predmetnog akta koji bi bio upućen na javnu raspravu. Obzirom da se radi o materiji koja do sada nije obrađivana zakonom ili podzakonskim aktom, pozivamo sva lica koja imaju konkretne prijedloge na temu kulture sjećanja i zaštite sjećanja na poginule branioce i šehide da iste dostave ovom Ministarstvu, a sve u cilju sačinjavanja kvalitetnog teksta zakona.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

